

ԳԻՏԱԿԱՆ ՍՏՈՒԹՅՈՒՆ ԵՎ ԳԵՆԵԱԴԱՏՈՒԹՅՈՒՆ

Վ. Ֆ. ԳԼԱԴԿՈՎԻ ՌԱԶՄԱԿԱՆ ՄԵՍՈՒԱՐՆԵՐԸ

Նիկիտա Սերգեևիչ Խրուշչովը 1961 թ. հունիսի 21-ին Հայրենական պատերազմի 20-ամյակին նվիրված Մոսկվայի հանդիսավոր նիստում արտասանած ճառում ոչ միայն երևան հանեց Սովետական Բանակի պատմական հաջողությունների արդյունքները, այլև հստակորեն կողմնորոշեց Հայրենական պատերազմի պատմությամբ զբաղվող գիտնականների և մեմուարներ գրող շատ զինվորականների ուղին:

Պատերազմական մեմուարները, որոնք գրվում են պատերազմի անձամբ մասնակցած, ողջ արհավիրքներն ու հաղթանակի բերկրանքը խորն ապրած մարդիկ, իրենց փաստացիությամբ խիստ անհրաժեշտ են Հայրենական պատերազմի ամփոփ պատմությունն ստեղծելու համար:

Այս առումով նշանակալից է նաև Սովետական Միության հերոս, գեներալ-մայոր Վասիլի Ֆեոդորովիչ Գլադկովի «Դեսանտը էլտիգենում» գիրքը¹, որը «Ռազմական մեմուարներ» սերիայի տակ լույս է տեսել այս տարի Մոսկվայում՝ «Վոենիզդատի» հրատարակությամբ:

Էլտիգենի դեսանտը, որը ղեկավարել է գրքի հեղինակը, Հայրենական պատերազմում մեր զորքերի ցուցաբերած խիզախության, տոկունության ու հաղթելու կամքի վառ դրսևորումներից մեկն էր: Չնայած Գլադկովի հրամանատարությամբ գործող 318-րդ դիվիզիան, իրենից անկախ պսաճառներով, չկարողացավ պահպանել գրաված դիրքերը, բայց ռազմիկների և սպայական կազմի բարձր հայրենասիրությունը, մարտական կոփվածքը, ռազմական գործում ցուցաբերած խելացի մանևրումները, ցամաքից, օդից և ծովից թշնամու՝ օրվա մեջ 5—6 գրոհների կասեցումները ցույց տվեցին, թե ինչի էին ընդունակ երիտասարդ սպաները և շարքային զինվորները, որոնք զրկված էին ամենաանհրաժեշտ ռազմամթերքներից և ուտելիքից: Օրական ստանալով հարյուր գրամ հաց, 50-ական գրամ երշիկ և ձկնեղեն, նրանք կարողացել են թշնամու ուժերին պատճառել նյութական և մարդկային մեծ կորուստներ:

Գլադկովը դեպքերը նկարագրում է առանձին ջերմությամբ, հագեցած կենդանի, իրական փաստերով, պարզ և դյուրընկալելի: Հեղինակը կատարում է տրամաբանական եզրահանգումներ, տալիս ռազմական սիտուացիաների, տակտիկական գրոհների, պաշտպանական մանևրների մասնագիտական խոր կոհսումներով լեցուն համոզիչ բացատրություններ, բայց միշտ հեռու մնալով անհատական դրվատումներից: Իվիզիայի հրամանատարը գրքում միայնակ չէ: Նա շրջապատված է դեսանտի աչքի ընկնող մարդկանցով, որոնց հետ միշտ հաշվի է նստում: Հաճախ նա ամենաբարդ հարցերի լուծումը տալիս է իր համախոհների գրավոր փաստարկումներով՝ ընթերցողին համոզելով, որ այն,

¹ В. Ф. Гладков, Десант на Эльтиген, Воениздат, 1961.

ինչ ուզում է ասել ինքը, ասում են նաև ուրիշները, որոնք անմիջականորեն մասնակցել են, տեսել են և ավելի լավ գիտեն, քան՝ ինքը:

Դիպլոմը խոսում է նաև բացերի մասին, բացահայտում է ոչ միայն իր և իր համախոհների թուլությունները, այլև Բանակի և Ստավկայի լուրջ թերությունները: Եվ այդ բոլորը նա այնքան համոզիչ, խտացրած գույներով է նկարագրում, որ եթե ինքն էլ չհուշի ընթերցողին, վերջինս կհասկանա, ափսոսանքով, սլացիկ և տրամաբանական երանգավորումներով են բացահայտված թերությունների երիզները, որոնք կարծես ասեղնագործված են բացարձակ ճշմարտության աչքի ընկնող թելերով:

318-րդ դիվիզիայի հրամանատարական և շարքային կազմը հիմնականում երիտասարդությունն էր, որն իր մարտական փառքի գրավականները ստացել էր Նովորոսիսկի ազատագրման համար մղվող մարտերում: Դիվիզիան իր բնույթով ինտերնացիոնալ էր. նրա մեջ կողք-կողքի մարտնչում էին եղբայրական բոլոր ժողովուրդների զավակներ՝ ռուսներ, ուկրաինացիներ, հայեր, վրացիներ, ղազախներ և այլն, որոնք ռազմաճակատ էին մեկնել երկրի տարբեր վայրերից՝ արտադրական ձեռնարկություններից, հանքերից ու կոլտնտեսություններից, սովետական ու պարտիական օրգաններից, կուլտուրական և գիտական հիմնարկ-ձեռնարկություններից: Այդ երիտասարդ կադրերի մեջ, միակ «ծերունին» եղել է Իջևանցի փոխգնդապետ Բլբուլյանը:

Այդ բոլոր հերոսներին դաստիարակել է պարտիան: Հեղինակը ճշմարտացի է, երբ նկատում է, թե նայելով այդ խիզախ երիտասարդներին, ինքը մտածում էր այն մասին, թե «Պարտիան ինչպիսի հիանալի երիտասարդություն է աճեցրել»: Այդպիսի երիտասարդներից են 23-ամյա մայոր Կովեչնիկովը, որի ղեկավարած գունդը առաջին իսկ օրից աչրի է ընկնում մարտական սխառնություն: Ինժեներ-փոխգնդապետ Մոզինը, որը ոչ միայն իր գործին հմուտ հայրենասեր է, այլև ամենադժվարին պահին կարողանում է իր ուրախ սրբախոսություններով բարձր պահել մարտիկների ոգին: Ելադկովի գրչի տակ կենդանի մարմնացումն են ստացել շարքային Տոլստովը, որը առաջին իսկ մաքրում շարքից հանում է թշնամու երեք տանկը. բժիշկ Տրոֆիմովը, որը ոչ միայն կարողանում էր գնդակոծության տակ խիզախորեն վիրահատումներ կատարել, այլև պարտիզանական ջոկատի հրամանատարության ղեկը ինձեռքը վերցնելով, կովել թշնամու դեմ: Հիանալի էջեր են նվիրված Գալյախն, Կլենկովսկուն, Խասանովին և շատ ուրիշներին:

Իրբը հարուստ է նաև հայ դուցազունների հերոսական սխրանքների նկարագրություններով: Այդ խիզախներից առանձնապես աչքի են ընկել փոխգնդապետներ Բլբուլյանը, Հովհաննես Խրիստափորի Իվանյանը, դիվիզիայի դատախազ մայոր Ֆրանգուլովը և Հրաչիկ Լևոնի Գրիգորյանը:

Գրքում մեծ տեղ է տրված փոխգնդապետ Գրիգոր Դարչոյի Բլբուլյանի և նրա հրամանատարության տակ գործող գնդի մարտական սխրանքներին: Բլբուլյանը Հայրենական պատերազմի առաջին իսկ օրից գտնվել է ռազմաճակատի առաջավոր գծում: Հայաստանի քաղաքացիական կռիվների ակտիվ մասնակից, պարտիզան Բլբուլյանը ինչպես հայ ժողովրդի ոխերիմ թշնամիների, դաշնակ-բանդիտների դեմ մղվող կռիվներում, նույնպես հիտլերյան բանդիտների դեմ սովետական ժողովրդի արդարացի պատերազմում իրեն դրսևորում է որպես լենինյան պարտիային նվիրված կոմունիստ զինվորականի: Նա կրնակակոխ հետապնդելով ֆաշիստական օկուպանտներին՝ 1945 թ. փետր-

վարին հերոսաբար զոհվում է Լեհաստանում: Էլտիգենի պլացդարմի համար մղվող մարտերում նա իր ռազմական հմտությամբ, մարտիկներին ոգեշնչելու անօրինակ սխրանքներով աչքի է ընկնում որպես մեր ժամանակի հմուտ սպաններից մեկը: Նրա հրամանատարության տակ գործող գունդը օրական 6—7 անգամ ետ էր շարտում մինչև ատամները զինված ֆաշիստական զավթիչների գրոհները:

Էլտիգենի պլացդարմի համար մղվող մարտերում աչքի ընկնող սխրագործություններ է կատարում նաև գվարդիայի ականանետային զնդի հրամանատար՝ փոխգնդապետ Հովհաննես Խրիստաֆորի Իվանյանը, որը փաստորեն զնդի մարտիկներին ափ հանեց առանց նյութական բազայի: Իվանյանին է հանձնարարվում պլացդարմի հակատանկային պաշտպանությունը: Փորձված, մարտերում կոփված հայրենասեր Իվանյանը շատ բան է կատարել, ու անվախ մարտնչել անարգ թշնամու դեմ:

Միհրդատի բարձունքի համար մղված մարտերում և ընդհանրապես թշնամու ուժերի կողմից մոտ 40 օր օղակված Յ18-րդ դիվիզիայի զինվորների ու սպանների մարտական ոգին բարձր պահելու գործում մեծ դեր է կատարել դիվիզիայի դատախազ մայոր Ֆրանգուլովը (Ֆրանգուլյանը), որը եղել է վերին աստիճանի համարձակ, միշտ գտնվել է բլինդաժներում, տրանշեյներում, զինվորների մոտ, վերջիններիս բացատրել է դրության լրջությունը, ոգեշնչել մարտիկներին:

Գրքի հեղինակը մի առանձին սիրով է խոսում Հրաչիկ Լևոնի Դրիգորյանի մասին, որը մարտական առաջին լուրջ կոփվածքը ստացել է դեռևս Նովորոսիսկ քաղաքի համար մղվող մարտերում: Հրամանատարությունը ամենակրիտիկական մոմենտներին օգտագործել է նրան որպես բարեխիղճ, սկզբունքային և պարտիային ու կառավարությանը նվիրված կոմունիստի:

Գրախոսվող գրքի առավելություններից պետք է համարել այն, որ հեղինակը ճշմարտացիորեն է ընդգծում պարտիայի դերը, կոնկրետ դեպքում գորամասի պարտիական կազմակերպության դերը զինվորների և սպանների մեջ, թշնամու գերազանց ուժերի կողմից շրջապատման պայմաններում, մարտական ոգին բարձր պահելու, գիտակցական կարգապահությունը բարձրացնելու, իրենց պարտքի գիտակցությունը միշտ նկատի ունենալու խնդիրը: Քաղաքատիրարակչական աշխատանքը դիտվում է որպես մարտական առաջադրանքները կատարելուն ուղղված մի գործոն: Իրավացի է հեղինակը, երբ գրում է, թե պարտիական ակտիվի խնդիրն էր համոզել զինվորներին գրաված հենակետի պահպանման անհրաժեշտության մեջ և պարտիական ակտիվի խորհրդը հենց այդ համոզմունքը հաստատելու, ու զինվորական կարգապահությունը ամրապնդելու մեջ է:

Հայրենական Մեծ պատերազմը շատ բան տվեց սովետական մարտիկներին: Այդ պատերազմից նրանք հիշում են շատ դառն օրեր, բայց և շատ հերոսական մոմենտներ, որոնք բնորոշում են սովետական մարդկանց հայրենասիրական բարձր հատկությունները, նրանց մարդկային վեհ գծերը: Հենց այդ վեհ գծերի ընդգծումն ու ցուցահանումն էլ հեղինակի հաջողություններից մեկն է:

Հեղինակը գրքում բերում է Գրիգորյանի 1959 թվականին իրեն գրած նամակներից մեկը, որտեղ ցայտուն կերպով դրսևորված է Էլտիգենի մարտերի մասնակիցների բարձր հայրենասիրությունը:

«Չափազանցություն չի լինի,—գրում է Րրիգորյանը,—եթե ասեմ, որ հիմա էլ հոգեկան մեծ բավականություն եմ զգում էլտիգենյան մարտերի հիշողություններից: Սովետական մեծ երկրի զինվորների բնավորությունների ինչպիսի հարստություն և ինչպիսի արժանապատվություն»:

Երբ կարգում ենք լադկովի գիրքը, իրոք, տեսնում ենք սովետական մարտիկների բնավորությունների այդ հարուստ հոգեգծերը:

Ցանկալի է գիրքը կարդալ հայերեն:

Ա. ՀԱՅՐԱՊԵՏՅԱՆ